

3104

Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspekcijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

Bosnia and Herzegovina  
Federation of Bosnia and Herzegovina  
**CANTON SARAJEVO**  
**Cantonal Administration for Inspection Issues**

Broj: 14-02-05-04953/19  
Sarajevo, Novembar, 05. 2019. godine

**Bosna i Hercegovina**  
**Federacija Bosne i Hercegovine**  
**KANTON SARAJEVO**

PRIMLJENO	6-11-2019
01	05
33063-48/86	

18

**Bosna i Hercegovina**  
**Federacija Bosne i Hercegovine**  
**SKUPŠTINA KANTONA SARAJEVO**  
**SARAJEVO**  
n/r, predsjedavajućeg, Elmedina Konakovića

**Predmet: *Odgovor na zastupničku inicijativu broj: 01-05-33063-48/19 od 26.09.2019. godine pokrenutu od strane zastupnika Zvonka Marića - dostavlja se;***

Kantonalna uprava za inspekcijske poslove Kantona Sarajevo, dana 08.10.2019. godine zaprimila je zastupničku inicijativu pokrenutu od strane zastupnika Zvonka Marića na 13. Radnoj sjednici Skupštine Kantona Sarajevo, održanoj dana 25.09.2019. godine u okviru tačke Dnevnog reda " Poslanička /zastupnička pitanja, inicijative i odgovori " a u skladu sa Poslovníkom Skupštine Kantona Sarajevo koja glasi

" Poštovani,

zbog žalbi taxi prijevoznika na području Kantona Sarajevo na ponašanje i protupravno postupanje taxi prijevoznika iz manjeg bh.entiteta u smislu nelegalnog stajanja, čak i zadržavanja na taxi štandovima, naročito štandovima Sarajevo taxi. Taxi prijevoznici iz manjeg bh.entiteta također nelegalno obavljaju prijevoz putnika sa destinacije na području



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151, + 387 (0) 33 569-890  
Sarajevo, Aleja Bosne Srebrene bb

1245

Kantona Sarajevo na drugu destinaciju na području Kantona Sarajevo, umjesto dozvoljenih međuentitetskih. Također naši taxi prijevoznici se žale na rad pripadnika Ministarstva unutrašnjih poslova koji ne rade dovoljno na sprečavanju ovakvog ponašanja, dok su naši taxi prijevoznici izloženi dodatnom pritisku, kontroli i maltretiranju u manjem bh.entitetu.

Molim KUIP da sa MUP-om izvrši pojačane kontrole i obavijesti me o poduzetim aktivnostima. "

U vezi s pokrenutom zastupničkom inicijativom dajemo slijedeći

#### ODGOVOR :

Kantonalna uprava za inspekcijske poslove unutar koje organizacijski djeluje Inspektorat saobraćajne i cestovne inspekcije od stupanja na snagu Zakona o taksi prijevozu u Kantonu Sarajevo ("Službene novine Kantona Sarajevo" broj 11/04) vrši kontinuirane inspekcijske nadzore taksi prijevoza na području Kantona Sarajevo.

Rad kantonalnih saobraćajnih inspektora organizovan je u dvije smjene u periodu od 08-22 sata. Inspekcijski nadzori vrše se na području Kantona Sarajevo uz asistenciju policijskih službenika Ministarstva unutrašnjih poslova Kantona Sarajevo.

Inspekcijske nadzore iza 22 sata vrše policijski službenici Ministarstva unutrašnjih poslova Kantona Sarajevo u skladu sa ovlaštenja datim Zakonom o taksi prijevoz u Kantonu Sarajevo.

U periodu od dana stupanja na snagu Zakona o taksi prijevozu (31.03.2014. godine) do 31.10.2019.godine kantonalni saobraćajni inspektori poduzeli su slijedeće mjere :

- izvršeno je 14.424 inspekcijska nadzora
- iz saobraćaja privremeno isključeno 213 vozila
- privremeno oduzeto 5 vozila
- donijeto 440 rješenja o nažaganju mjera
- podneseno 396 zahtjeva za pokretanje prekršajnog postupka
- izdata 3.472 prekršajna naloga
- izrečene kazne u novčanom iznosu od 2.228.220,00 KM

Gore navedene poduzete mjere u predhodnom periodu dovele su do

- potpunog ukidanja zloupotrebe rentakar prijevoza putnika-iznajmljivanja vozila sa vozačem u svrhu obavljanja nelegalnog taksi prijevoza;
- prestanka rada određenog broja pravnih subjekata koji su svoju djelatnost registrovali u Republici Srpskoj, a nelegalni taksi prijevoz obavljali na području Kantona Sarajevo.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

U cilju postupanja po pokrenutoj zastupničkoj inicijativi Inspektorat saobraćajne i cestovne inspekcije je odmah po prijemu iste započeo sa pojačanim inspekcijskim nadzorima uz asistenciju policijskih službenika Ministarstva unutrašnjih poslova Kantona Sarajevo.

Pojačani nadzori na okolnosti iz zastupničke inicijative vršeni su u u periodu od 22.10. do 31.10.2019. godine .

U ovom periodu vršen je inspekcijski nadzor nad obavljanjem javnog vanlinijskog prijevoza putnika-taksi prijevoza u periodu od 08 do 22 sata. Inspekcijski nadzori vršeni su na lokalitetima gdje se očekivalo prisustvo taksi prijevoznika iz Republike Srpske (područje Općine Novi Grad, lokalitet oko Međunarodnog Aerodroma Sarajevo...).

Na osnovu izvještaja kantonalnih saobraćajnih inspektora izvršeno je 78 inspekcijskih nadzora tokom kojih nisu konstatovani prekršaji iz Zakona o taksi prijevozu u Kantonu Sarajevo. Naime, taksi prijevoznici iz Republike Srpske prilikom ulaska na područje Kantona Sarajevo uredno skidaju krovne oznake i ne započinju vožnju na području Kantona Sarajevo.

Postupanje po dostavljenoj inicijativi će se nastaviti i u narednom periodu uz puno uvažavanje i zahvalnost što je ovoj oblasti poklonjena pažnja od strane zastupnika.

S poštovanjem,

S poštovanjem,

**Dostaviti:**

1. Predsjedavajućem Skupštine KS
2. Sekretaru Skupštine KS
3. Sekretaru Vlade KS
4. Arhiva



**DIREKTOR**



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

